



TOSHKENT DAVLAT YURIDIK UNIVERSITETI REKTORINING B U Y R U G ' I

28.02.2025

190-tm-son

Talabaga hayfsan e'lon qilish to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksini buzish holatlari kuzatilmoqda.

Jumladan, universitetning Xalqaro huquq va qiyosiy huquqshunoslik fakulteti 1-kurs talabasi Shuhratov Muhammadiso Shuhratovich 2025-yil 24-fevral kuni dars mashg'ulotlari davomida telefonda video o'yin o'ynab o'tirgan.

Shuningdek, Xalqaro huquq va qiyosiy huquqshunoslik fakulteti 1-kurs talabasi Shavkatov Otabek Lazizovichlar 2025-yil 24-fevral kuni dars mashg'ulotlari davomida telefonda ijtimoiy tarmoqdan foydalanib o'tirgan.

Ushbu talabalar muqaddam fakultet dekanining 2025-yil 19-fevraldagi 21-16/42-sonli xati bilan dars mashg'ulotlarida o'qituvchining ruxsatisiz telefondan foydalanganliklari sababli ogohlantirilgan.

Universitetning Xalqaro huquq va qiyosiy huquqshunoslik fakulteti 1-kurs talabalari Shuhratov Muhammadiso Shuhratovich va Shavkatov Otabek Lazizovich mazkur harakatlari bilan TDYU Odob-axloq kodeksi 21-moddasining 1-xatboshisi (Dars mashg'ulotlari vaqtida uyali aloqa vositalaridan foydalanish barcha uchun qat'iy taqiqlanadi, pedagog xodimlar tomonidan dars jarayoni bilan bog'liq yoki uzrli holatlar bundan mustasno.) talablarini buzgan.

Toshkent davlat yuridik universiteti Odob-axloq kodeksining 21-moddasining 1-xatboshisi hamda universitetning Ichki tartib qoidalari 83-bandiga asosan

BUYURAMAN:

1.Universitet Odob-axloq kodeksi 21-moddasining 1-xatboshisi talablarini buzganligi uchun universitetning Xalqaro huquq va qiyosiy huquqshunoslik fakulteti 1-kurs talabalari Shuhratov Muhammadiso Shuhratovich va Shavkatov Otabek Lazizovichga hayfsan e'lon qilinsin.

2.Fakultet dekanlari (D.Umarxanova, K.Hakimov, B.Musayev, Sh.Saydullayev, A.Babadjanov) mazkur buyruq mazmun-mohiyati talabalar e'tiboriga yetkazilishi ta'minlasin.

3.Xalqaro huquq va qiyosiy huquqshunoslik fakulteti dekani (D.Umarxanovaga):

mazkur talabaning shaxsiy hujjatlar yig'majildiga buyruq nusxasi tikilishini ta'minlasin;

boshqa nojo'ya xatti-harakat takror sodir etilsa, talabani talabalar safidan chetlashtirish mumkinligi to'g'risida ogohlantirsin.

4.Mazkur buyruq bajarilishini nazorat qilish prorektor A.Xashimhonov zimmasiga yuklansin.

**Yoshlar masalalari va
ma'naviy-ma'rifiy ishlar
bo'yicha birinchi prorektor**



A.XASHIMHONOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA

**Kelishildi:**

Direktor

SH.PO'LOTOV



Katta yuriskonsult

A.TURSUNOV

